

Broj: 03-2017-416 /22
Sarajevo, 03.03.2022. godine

VLADE KANTONA - svima

**KANTONALNA MINISTARSTVA
NADLEŽNA ZA POSLOVE POLJOPRIVREDE - svima**

PREDMET: Akt Vlade Federacije BiH broj: 03-04-261-3/2022 od 28.02.2022. godine,
Veza Zaključak Vlade Federacije BiH broj: 272/2022 od 28.02.2022. godine

Poštovani,

U skladu sa aktom Vlade broj: 03-04-261-3/2022 od 28.02.2022 i zaključkom Vlade V.broj: 272/2022 od 28.02.2022, želimo Vas informisati da je Vlada na 305. tematskoj sjednici održanoj 28.02.2022. godine donijela i mjeru koja se odnosi na dodjelu goriva poljoprivrednim proizvođačima u Federaciji BiH iz postojećih robnih rezervi. Federalno ministarstvo poljoprivrede, vodoprivrede i šumarstva će Federalnoj direkciji robnih rezervi, u skladu sa zaduženjem, dostaviti spisak poljoprivrednih proizvođača koji ostvaruju podršku za biljnu proizvodnju na federalnom nivou i koji će imati pravo na ovu mjeru prema usvojenim kriterijima (50 litara goriva po hektaru).

U cilju cjelovite realizacije navedene mjere potrebno je također da i nadležna kantonalna ministarstva dostave kantonalnim vladama spiskove poljoprivrednih proizvođača koji su ostvarili podršku sa kantonalnog nivoa u 2021. godini po hektaru obradive površine, vodeći računa da se za istu sjetvenu površinu ne dodjeljuje dvostruka količina goriva.

Kantonalne vlade treba da potvrde navedene spiskove (odluka, zaključak) i iste dostave Federalnoj direkciji robnih rezervi. Federalna direkcija robnih rezervi će na osnovu dostavljenih podataka pripremiti odluku za Vladu FBiH o dodjeli goriva iz robnih rezervi za poljoprivredne proizvođače.

Pored navedenog Federalno ministarstvo poljoprivrede, vodoprivrede i šumarstva će pripremiti za Vladu FBiH Program novčanih podrški u poljoprivredi i ruralnom razvoju za 2022. godinu sa mjerama podrške koje će doprinijeti održivosti i povećanju poljoprivredne proizvodnje.

Pozivaju se nadležna kantonalna ministarstva da animiraju klijente da podnesu zahtjeve za ostvarivanje prava na novčanu podršku, kao i druge potrebne radnje, za sve završene proizvodnje, odmah po završetku istih, u skladu sa važećim pravilnicima, te odmah po usvajanju Programa novčanih podrški u poljoprivredi i ruralnom razvoju za 2022. godinu dostave obračun novčanih podrški za naprijed navedene zahtjeve Federalnom ministarstvu poljoprivrede, vodoprivrede i šumarstva, kao i da iz vlastitih sredstava za poticaj osiguraju podršku sjetvi poljoprivrednih površina u biljnoj proizvodnji.

Federalna direkcija robnih rezervi pripremit će odluku za Vladu FBiH kojom će se garantirati otkup proizvodnje merkantilne pšenice sjetva 2021/2022. godina, po prosječnoj cijeni koja bude na tržištu u datom periodu, za potrebe robnih rezervi.

Također je donesen zaključak da se pozovu kantonalne vlade da stave u funkciju svoje robne rezerve.

Preporučuje se svim nivoima vlasti u Federaciji BiH da preispitaju fiskalne i parafiskalne naknade koje opterećuju poljoprivredne proizvođače (zakup poljoprivrednog zemljišta, koncesije, različite naknade i takse, i dr...).

U prilogu akta dostavljamo Vam formu obrasca za obračun podrške koji je potrebno popunjen dostaviti Federalnoj direkciji robnih rezervi radi lakše realizacije navedene mjere.

S poštovanjem,



Prilog :

- Forma obrasca za obračun podrške za godinu,
- Akt Vlade Federacije BiH broj: 03-04-261-3/2022 od 28.02.2022. godine
- Zaključak Vlade Federacije BiH broj: 272/2022 od 28.02.2022. godine.

Dostaviti:

- naslovu,
- a/a

Co: - Ured Premijera Federacije BiH
- Federalna direkcija robnih rezervi
- Općine/gradovi, svima.

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 305. tematskoj sjednici, održanoj 28.02.2022. godine, donosi

ZAKLJUČAK

1. Usvaja se Informacija Federalnog ministarstva poljoprivrede, vodoprivrede i šumarstva sa prijedlogom mjera.
2. Pozivaju se nadležna tijela i svi nivoi vlasti u Federaciji Bosne i Hercegovine da, u skladu sa predloženim mjerama i svojim nadležnostima, poduzmu potrebne aktivnosti na realizaciji istih.
3. Zadužuje se Federalna direkcija robnih rezervi da pripremi Prijedlog odluke za Vladu Federacije Bosne i Hercegovine sa ciljem provođenja mjera i aktivnosti iz svoje nadležnosti.
4. Ovaj zaključak stupa na snagu danom donošenja.

V. broj: 272 /2022
28.02.2022. godine
Sarajevo



PREMIJER
Fadi Novalić